



Број/Број: **03/1-50-1-7-54/09**  
Сарајево/Sarajevo, 28.6.2010.

**ЧЛАНОВИМА ЗАЈЕДНИЧКЕ КОМИСИЈЕ ЗА ОДБРАНУ И СИГУРНОСТ  
ПАРЛАМЕНТАРНЕ СКУПШТИНЕ БОСНЕ И ХЕРЦЕГОВИНЕ**

**Z A P I S N I K**

**54. sjednice Zajедничке комисије за одбрану и сигурност БиХ  
Парламентарне скупштине БиХ,  
одржане 28.6.2010., од 11 до 12 сати**

Сједници су присуствовали слjedeћи чланови Заједничке комисије: Branko Zrno, Šefik Džaferović, Slobodan Šaraba, Ivo Miro Jović, Selim Bešliagić, Drago Kalabić, Hazim Rančić i Adem Huskić.

Сједници од чланова Заједничке комисије нису присуствовали: Vinko Zorić, Mirko Okolić, Dušanka Majkić i Sulejman Tihic.

Сједници су присуствовали и гости, представници медија, као и представници Секретаријата Парламентарне скупштине БиХ:

- Boško Šiljegović, парламентарни војни повјереник БиХ,
- Muhamed Smajić, Министарство одбране БиХ,
- generalmajor Slavko Puljić, Заједнички штаб ОСБиХ,
- Amel Fako, Ambasada SAD-a u БиХ,
- Marija Buntić, Irham Čečo i Maja Ribar, OHR,
- Christian Haupt i Nedim Hogić, USAID PSP u БиХ,
- Kenan Ćosić, BHT1,
- Arijana Saračević, FTV,
- Aida Kovač, Fena,
- Sanita Rožajac, „Dnevni avaz“,
- Lana Rizvanović, „Dnevni list“,
- Medina Delalić, Сектор за односе с јавношћу PSБиХ, i
- Jovica Katić, стручни сарадник у Заједничкој комисији за одбрану и сигурност БиХ.

Сједницом је председавао **Branko Zrno**, председавајући Заједничке комисије за одбрану и сигурност БиХ.

У оквиру расправе о дневном реду, напоменуо је чланове Комисије да је сједница заказана првенствено због обавезе Комисије према Представничком дому PSБиХ у вези са изјашњавањем о Приједлогу закона о допунама Закона о служби у ОСБиХ, предлагача Клуба

poslanika SDA. Također, podsjetio je članove Komisije na nemili događaj koji se dan ranije desio u Bugojnu, te naglasio da Zajednička komisija mora zauzeti stav o tome. S tim u vezi, predložio je da Komisija na ovoj sjednici otvori inicijalnu raspravu o ovom pitanju.

**Adem Huskić** saglasio se s prijedlogom predsjedavajućeg da se na današnjoj sjednici, zbog važnosti ovog pitanja, otvori rasprava, nakon koje bi Komisija trebalo da zauzme određeni stav, te predložio da se o njemu raspravlja nakon 2. tačke dnevnog reda.

Kako nije bilo daljnje rasprave o predloženom dnevnom redu, članovi Zajedničke komisije saglasili su se s dopunom koju su u svojoj diskusiji predložili Branko Zrno i Adem Huskić, nakon čega je zaključeno da 54. sjednica Zajedničke komisije za odbranu i sigurnost BiH ima sljedeći

### **DNEVNI RED**

1. Usvajanje Zapisnika 53. sjednice Zajedničke komisije;
2. Razmatranje Prijedloga zakona o dopunama Zakona o službi u Oružanim snagama BiH - druga komisijska faza (predlagač: poslanici Kluba SDA);
3. Rasprava o terorističkom napadu na policijsku stanicu u Bugojnu, 27.6.2010.;
4. Tekuća pitanja.

#### **Ad.1. Usvajanje Zapisnika 53. sjednice Zajedničke komisije**

Članovi Komisije su bez rasprave, jednoglasno, sa osam glasova „za“, usvojili Zapisnik 53. sjednice Zajedničke komisije za odbranu i sigurnost BiH.

#### **Ad.2. Razmatranje Prijedloga zakona o dopunama Zakona o službi u Oružanim snagama BiH-druga komisijska faza (predlagač: poslanici Kluba SDA)**

**Branko Zrno** napomenuo je da je ovdje riječ o razmatranju Prijedloga zakona u drugoj komisijskoj fazi, te konstatirao da na Zakon nisu podnošeni amandmani u roku koji je predviđen poslovnice domova PSBiH. Naveo je da su sjednici prisutni predstavnici Ministarstva odbrane i Oružanih snaga BiH, te ih zamolio da se i oni očituju o ovom prijedlogu zakonu.

**Muhamed Smajić**, sekretar Ministarstva odbrane BiH, naveo je da je uži kolegij Ministarstva odbrane BiH, sačinjen od čelnih ljudi ovog ministarstva i Oružanih snaga BiH, razmatrao ovaj prijedlog zakona. Upoznao je članove Komisije da je Ministarstvo odbrane BiH, po dobivanju zahtjeva od Generalnog sekretarijata Vijeća ministara BiH da se očituje o Zakonu, uputilo Ministarstvu finansija BiH zahtjev za određenje po određenim elementima navedenim u procjeni finansijskih sredstava potrebnih za njegovo provođenje, ali da do održavanja ove sjednice nisu dobili navedeni stav. Istaknuo je da je Ministarstvo odbrane BiH zauzelo svoj stav, kojim se podržavaju dopune ovog zakona, cijeneći da se ovim dopunama ne narušava koncept Oružanih snaga BiH, uz napomenu da sredstva koja su potrebna za provođenje Zakona ne umanjuju budžet Ministarstva odbrane BiH. Ipak je naveo da Ministarstvo odbrane BiH u svom budžetu za 2010. nije planiralo sredstva za isplatu

otpremnina vojnika čiji je otpust planiran u ovoj godini, koje iznose oko 6,5 miliona KM, kao i iznos u vezi s refundacijom troškova prema entitetskim zavodima za PIO/MIO. Svoju diskusiju zaključio je činjenicom da je stav Ministarstva odbrane BiH da ova institucija podržava predložene dopune ovog zakona, uz rezervu kada je u pitanju njegov finansijski aspekt, u skladu s ranije navedenim elementima u diskusiji.

**Generalmajor Slavko Puljić**, predstavnik Zajedničkog štaba OSBiH, potvrdio je da su svi čelni ljudi Ministarstva odbrane BiH i OSBiH bili prisutni na sastanku ovog kolegija, na kojem je istaknut stav da se ovo pitanje treba riješiti, ali ne na osnovu zakonskih rješenja koja u praksi nisu provodiva. Zaključio je da Ministarstvo odbrane podržava predložene dopune Zakona, ali uz ograničenje u pogledu finansijskog aspekta, o kojem je govorio sekretar ovog ministarstva.

**Slobodan Šaraba** ocijenio je da ključno pitanje predstavljaju sredstva za realizaciju ovog zakona, odnosno da li će se ona osigurati iz budžetskih rezervi ili onog dijela budžeta predviđenog za Ministarstvo odbrane BiH. Stoga je rekao da smatra da se o ovom pitanju, prije svega, treba izjasniti Ministarstvo finansija i trezora BiH, naročito zbog činjenice da se za njegovo rješavanje interesira veliki broj pripadnika OSBiH.

**Šefik Džaferović** naveo je da je u obrazloženju Prijedloga zakona velika pažnja posvećena tački 5., koja se odnosi na procjenu finansijskih sredstava potrebnih za njegovo provođenje, koja je napisana na više od četiri stranice i u kojoj se u potpunosti daje analiza potrebnih finansijskih sredstava. Napomenuo je da ovim zakonskim rješenjem penzioni fondovi ne snose troškove penzionisanja, već će ovi troškovi biti pokriveni razlikom u trenutnom koštanju države BiH angažiranja mladog vojnika i starog vojnika. Po odbitku ovih troškova, ostaje potreba za dodatnom budžetskom intervencijom države BiH u iznosu od 1,65 miliona KM. Zaključio je da je, prema tome, jasno vidljivo koliko bi dopune ovog zakona koštale, te ocijenio da u budžetu BiH postoje finansijska sredstva za njegovo provođenje. Pozvao je članove Komisije da podrže ove dopune, s obzirom da se u BiH već duže vremena ovo pitanje pokušava riješiti.

**Branko Zrno** konstatirao je da se niko više od članova Komisije ne javlja za daljnju diskusiju, te zaključujući raspravu predložio da se Komisija izjasni o Prijedlogu zakona u drugom čitanju, uz predlaganje **zaključka** Predstavničkom domu koji je proizašao iz rasprave o ovoj tački dnevnog reda, a koji glasi:

„Predstavnički dom Parlamentarne skupštine BiH zahtijeva od Ministarstva finansija i trezora BiH da dostavi mišljenje u vezi s procjenom finansijskih sredstava, kojim bi se pojasnilo da li u okviru Budžeta institucija BiH za 2010. godinu postoje finansijska sredstva potrebna za provođenje ovog zakona.“

### **Odlučivanje u drugoj komisijskoj fazi**

Članovi Zajedničke komisije jednoglasno su, sa osam glasova „za“, podržali Prijedlog zakona o dopunama Zakona o službi u Oružanim snagama BiH u drugoj komisijskoj fazi, zajedno s navedenim zaključkom proisteklim iz rasprave, te ga prosljedili Predstavničkom domu PSBiH u daljnju parlamentarnu proceduru.

### **Ad.3. Rasprava o terorističkom napadu na policijsku stanicu u Bugojnu, 27.6.2010.**

**Adem Huskić** ocijenio je da je dobro što je Zajednička komisija u okviru današnje sjednice otvorila raspravu o ovom pitanju, s obzirom da smatra da će ovaj događaj imati dalekosežne posljedice po državu BiH. Napomenuo je da je ovim terorističkim aktom izgubljen jedan mladi život, dok se jedna osoba nalazi u izuzetno teškom stanju. U vezi sa svim navedenim, predložio je članovima Zajedničke komisije četiri zaključka, o kojima je zamolio izjašnjavanje nakon završetka rasprave o ovoj tački dnevnog reda.

**Slobodan Šaraba** istaknuo je da je ovim činom izvršen teroristički napad na instituciju BiH. Naveo je da je njegovo mišljenje da se u posljednjih nekoliko mjeseci, od policijske akcije u Gornjoj Maoči do danas, moglo predvidjeti da će se desiti nešto slično, što je na kraju, nažalost, i rezultiralo ovim napadom u Bugojnu. Podsjetio je članove Komisije da je zajednička sjednica oba doma PSBiH na kojoj je razmatrana Informacija o provedenoj akciji „Svjetlost“ prekinuta, te da je tada navedeno da će ona brzo biti nastavljena, ali da do njenog nastavka nikada nije došlo. Ocijenio je da su najodgovornija lica u vezi s ovim događajem ministar sigurnosti BiH i direktor SIPA-e, koji su trebali preduzeti sve mjere kako do njega uopće ne bi ni došlo. S tim u vezi, naveo je da je njegovo mišljenje da Komisija treba zahtijevati od Ministarstva sigurnosti BiH hitno dostavljanje informacije o ovom događaju, koja bi bila razmatrana na narednoj sjednici Komisije, a na kojoj bi Komisija zauzela jasniji stav, te usvojila zaključke koji bi išli u smjeru održavanja zajedničke sjednice oba doma PSBiH, na kojoj bi se ujedno završila i rasprava o akciji „Svjetlost“. Naglasio je da se u narednih nekoliko dana treba raditi efikasno, kako bi se ovaj problem riješio u startu i kako se ne bi postavljalo pitanje gdje će se desiti slična situacija.

**Šefik Džaferović** istaknuo je da se ovdje radi tek o inicijalnoj raspravi o ovoj temi, te da će se u narednom periodu voditi šire diskusije o ovom pitanju. Naglasio je da Zajednička komisija treba osuditi ovaj akt, te zatražiti informaciju od nadležnih institucija, prvenstveno radi analize koja bi pokazala propuste u sigurnosnom aparatu u BiH. Ocijenio je da je ovdje posrijedi duboko neprijateljski čin, s obzirom da se radi o napadu na sigurnosnu instituciju u BiH. Stoga je i on dao podršku svim institucijama vlasti u BiH koje rade na otkrivanju počinitelaca ovog krivičnog djela, kako bi što prije bili privedeni organima pravde. Svoju diskusiju završio je ocjenom da je očigledno da se nije dovoljno preventivno djelovalo, te da u tom smislu u budućnosti treba pokrenuti čitav set mjera s ciljem izbjegavanja ponavljanja ovakvih i sličnih situacija.

**Branko Zrno** podsjetio je da se Zajednička komisija ovakvim problemima bavi često, na osnovu informacija koje po određenim specifičnim pitanjima zahtijeva od Ministarstva sigurnosti i agencija koje djeluju u okviru njega. Podsjetio je da je ovaj događaj samo jedan u nizu onih koji su se desili od završetka rata u BiH do danas, a koji predstavljaju napad na državu BiH. Naveo je da službenu informaciju o ovom terorističkom aktu treba zatražiti i od OSABiH, cijeneći da je logičan propust sigurnosnog sektora ako ove službe nisu raspolagale valjanim obavještajnim podacima.

**Ivo Miro Jović** izrazio je saučešće porodici policajca poginulog u terorističkom aktu u Bugojnu i istaknuo da je očito da su postojale indicije u vezi s počinjenjem ovog krivičnog djela, te rekao da se u narednom periodu treba odgovoriti na pitanje do koje mjere se uistinu preventivno djelovalo u ovom slučaju.

**Drago Kalabić** rekao je da nije potrebno donositi bilo kakve zaključke bez ranijeg dostavljanja konkretnih informacija od nadležnih institucija o ovom pitanju, cijeneći da one treba da budu dostavljene što prije. S druge strane, izrazio je sumnju u kvalitet informacija koje će biti dostavljene Parlamentarnoj skupštini BiH, ističući da će one vrlo vjerovatno biti potpuno suprotne onim koje se očekuju. Napomenuo je da u BiH postoji niz krivičnih djela terorizma koja nikad nisu rasvijetljena.

**Selim Bešliagić** podsjetio je da je u okviru Informacije o stanju sigurnosti u BiH za 2009. godinu ocijenjeno da u BiH nije bilo terorističkih aktivnosti, što je u potpunosti demantirano posljednjim bombaškim napadom u Bugojnu. Istaknuo je da su obavještajne i sigurnosne agencije u BiH međusobno povezane i da radi korektnosti treba zatražiti informaciju od predstavnika obje ove institucije. Zaključio je da posljednji događaj predstavlja samo dokaz da u BiH postoji terorizam i s tim u vezi u potpunosti podržava raspravu o ovoj tački dnevnog reda, kao i usvajanje zaključaka koji idu u smjeru osude ovog akta i traženja konkretnijih informacija o njemu. Na kraju je ocijenio da, samo ako se Komisija i Parlamentarna skupština BiH postave na takav način prema ovom problemu, neće biti ugrožen bezvizni režim za građane BiH u narednom periodu.

**Hazim Rančić** pridružio se osudama ovog terorističkog akta i izrazio saučešće svim njegovim žrtvama. Podržao je zahtjeve za hitnim dostavljanjem informacije u vezi s ovim i Zajedničkoj komisiji za odbranu i sigurnost BiH, kao i Zajedničkoj komisiji za nadzor na radom OSABiH, kako bi svaka u svom segmentu mogle dati ocjenu stanja i eventualno predložiti mjere kojima bi se u budućnosti sprečavalo izvršenje ovih krivičnih djela. Stoga je predložio da Komisija zatraži efikasnu reakciju svih sigurnosno-obavještajnih agencija kako bi počinioc ovog krivičnog djela procesuirali nadležni sudovi i tužilaštava. Zaključio je da borba protiv ove vrste kriminaliteta leži u efikasnom radu institucija države, kao i zakonodavne i sudske vlasti, te da u toj borbi vrlo značajno mjesto zauzimaju i predstavnici medija, te svi građani države BiH.

Zaključujući raspravu, **Branko Zrno** predložio je članovima Zajedničke komisije usvajanje **zaključaka** proisteklih iz rasprave:

1. Zajednička komisija za odbranu i sigurnost BiH najoštrije osuđuje teroristički akt na policijsku stanicu u Bugojnu, koji se dogodio 27.6.2010.;
2. Zajednička komisija za odbranu i sigurnost BiH traži od svih institucija sistema da preduzmu sve raspoložive mjere iz svoje nadležnosti kako bi se u najkraćem roku rasvijetlili svi aspekti ovog terorističkog akta, koji je odnio jedan život i nanio nesagledive štete državi BiH;
3. Zajednička komisija za odbranu i sigurnost BiH zahtijeva efikasnu reakciju svih sigurnosnih i obavještajnih agencija kako bi nadležna tužilaštava i sudovi procesuirali počinioc ovog krivičnog djela;
4. Zajednička komisija za odbranu i sigurnost BiH cijeni da sigurnosno-obavještajne strukture nisu bile na visini zadatka, te traži da se u narednom periodu puno ozbiljnije posvete identificiranju i sprečavanju svih vrsta kriminalnih aktivnosti, a posebno grupa koje svojim djelovanjem ispoljavaju mržnju prema drugim i drugačijim vrijednostima, te nacionalnoj i vjerskoj pripadnosti.

5. Zadužuju se Ministarstvo sigurnosti BiH, Državna agencija za istrage i zaštitu - SIPA, Obavještajno-sigurnosna agencija BiH (OSABiH), Federalno ministarstvo unutrašnjih poslova, te Tužilaštvo BiH da, svako iz svog resora, Zajedničkoj komisiji za odbranu i sigurnost BiH **dostave HITNO, a najkasnije u roku od sedam dana**, informaciju o terorističkom aktu koji se dogodio u Bugojnu, koja će u sebi sadržavati i mjere koje se preduzimaju na rasvjetljavanju svih detalja u vezi s ovim terorističkim aktom.

Članovi Zajedničke komisije jednoglasno su, sa osam glasova „za“, usvojili ovaj prijedlog zaključaka.

Komisija je odlučila da sve informacije koje dostave institucije navedene u tački 5. zaključaka budu razmatrane na njenoj 55. sjednici, koja će biti održana 5.7.2010.

#### **Ad.4. Tekuća pitanja**

O tekućim pitanjima nije bilo materijala za raspravu.

Sjednica je završena u 12 sati.

Zapisnik sačinio

**Jovica Katić**

Predsjedavajući

Zajedničke komisije

**Branko Zrno**

Dostavljeno:

- naslovu
- a/a